

## Universitätsbibliothek Paderborn

**R. P. F. Ioannis Nider Ordinis Prædicatorum Theologi De  
Reformatione Religiosorvm Libri Tres**

**Nider, Johannes**

**Antverpiæ, 1611**

VI. Incipit reformatoribus septem reformationis vtilitates oste[n]dere, & duas primas declarat; nempe quòd talis iuuat Ecclesiam multipliciter, & æqui pollet ædificationi noui monasterij.

[urn:nbn:de:hbz:466:1-45728](#)

Consuetudo igitur transgrediendi regulam & statuta, Religiosorum maximè impedit reformationem : quamobrem difficile est reformare.

Quinta ratio, quare illud difficile est, quia sanctæ reformationi astuti & peruersi homines callidissimas obiectiones opponunt & argumenta, imperitos & simplices ac etiam sapientes quodammodo multum mouentia: quæ latè sunt suprà mota libro I. cap. 4. &c.

### C A P V T V I.

*Incipit reformatoribus septem reformatio-  
nis utilitates ostendere, & duas primas  
declarat: nempe quod talis iuuat Eccle-  
siam multipliciter, & æquipolle adifica-  
tioni noui monasterij.*

**V**E R V M quia per ea, quæ iam latè di-  
cta sunt, quo ad difficultatem refor-  
mationis, quæ nihiū terrere possent pu-  
sillanimes, satis respondeatur ad tertium  
dubium suprà positum: nunc pro confor-  
tatione & consolatione, è diuerso videndum  
est, quām sit fructuosum reformare & me-  
ritorium. quod in septem vtilitatibus consi-  
derare possumus: nam Ecclesiam multipli-  
citer iuuat fidelium; ædificationi noui mo-  
nasterij

nasterij æquipollet, vt plurimùm: auget accidentale in cælo præmium, & fundatorum intentioni satisfacit, & offerentium: conuer-sionem peccatorum procurat, multis subuenit in peccata ruituris; & in patronos fauorabiles necit eos Sanctos, qui Ordinem à Deo primò impetrarunt. Primò, inquam, Ecclesiam multipliciter iuuat in ornatu virtutum, in multiplicatione suffragiorum, & in auxilio porrecto proximorum. In ornatu siquidem virtutum; quia in reformato monasterio, cuiuslibet sanctitatis viri nutriuntur pro decore Ecclesiæ: vtputa quodammodo Apostoli in doctrinâ, Martyres in disciplinâ, Confessores in patiètiâ, Virgines in castitate. vnde Glossa, & est Cassiodori, super illud Psal. *Astitit regina à dextris tuis in vestitu deaurato.* sic dicit: In auro intel-ligitur charitas; quod verò aureum est, to-tum de auro est; quod est deauratum, au-rum habet, & aliud etiam est. Astitit regina in vestitu bonorum operum deaurato, non aureo, sola ne sit charitas: sed adiunt cetera, quæ charitas ornat; ipsa, dico, circumamicta varietate meritorum. Et si sit ueritas in cha-ritate, cum auro, id est, cum doctrinâ Apo-stolorum; & coco, id est, confessione Mar-tyrum; & gemmis, id est, puritate Virginum; & purpurâ, id est, in lamentis pœnitentium,

orna-

Cassiod.

Psal. 44.

ornatur regina. Vnde in veteri Testamento, cortinæ tabernaculi contextæ sunt de quatuor pretiosis coloribus, scilicet bysso retorta, & coco bis tincto, & hyacintho, & purpurâ. Hæc Glossa. Præfatum etiam versiculū Psalmi adducit S. Thomas 2.2.q.188. s.Tho.2.2.  
 vbi probat, quod congruum est, esse diuer- q.188.art.1.  
 fas Religiones; vbi dicit, quod commune sit omni religioni, ut aliquis totaliter se præbere debeat ad seruiendū Deo, quod est charitatem Dei pro fine principalissimo habere, quæ charitas per aurum designatur. Et in hac parte non est diuersitas inter Religiones: sed in hoc est earum differentia, quod secundum diuersa opera & exercitia potest se quis disponere ad Deo seruiendum, & iste est amictus & ornatus varius. Iuuat etiā reformatio Ecclesiam in multiplicatione suffragiorum, pro viuis & etiam pro defunctis: quamuis enim suffragia sacerdotum & ministrorum Ecclesiæ malorum non profint, in quantum sunt mali; profunt verò, in quantum sunt ministri Ecclesiæ: sed (ut sanctus Thomas dicit in 4. dist. 45.) magis va- s.Thom.  
 lent suffragia eorum, si in charitate fiunt: in 4.dist.45  
 quia tunc ex duabus partibus opera illa me- q.2.art.5.  
 ritoria sunt, scilicet ex opere operato, & o- q.3.  
 pere operantis. Simile dicit ibidem dist. 13. Ibid.dist.  
 Ceteris, inquit, paribus, melius est audire t3.qu 1.  
 art.1.q.4.

Missam

Missam boni sacerdotis quām mali: quia scilicet Missa etiam habet efficaciam ex opere operantis; non solum ex opere operato, ex quo æqualis est Missa utriusque. Oratione ergo bonorum sacerdotū magis, id est ex pluribus causis, exauditur, quām malorum. Et ita etiam ea, quae sunt suprà posita, cōtra malos Religiosos debet intelligi. Probant ista ea, quae refert Sapiens Proverb. 15.

*Prou 15.8.* vbi dicit: *Victime impiorum abominabiles Domino; vota iustorum placabilia.* Et ite-

*Ibid.* rūm: *Longe est Dominus ab impiis, & orationes iustorum exaudiet.* Hinc Eccles. 35.

*Ecli. 35.8.* *Oblatio iusti impinguat altare: & odor suauis est in conspectu Altissimi. Sacrificium iusti acceptum est, & memoriam eius non obliuiscetur Dominus.*

Iuuat etiam reformatio in auxilium porrecta proximorū, quibus multipliciter subuenitur per eam: quia quidam Ordines sunt fundati ad subueniendum proximis in operibus misericordiae corporalibus, sicut qui seruant hospitalitatem pauperum; alij sunt fundati pro curā habendā egrotantium, alij pro expugnatione infidelium, alij pro redemptione captiuorum, alij pro ostendendā Christi paupertate & suorum; alij pro audienciā confessionum, & pro studio, ac prædicando pauperibus; alij pro vitāducēdā

cre-

eremiticâ aut contemplatiuâ , modis aliis plurimis: quæ omnia & singula fines quidam sunt particulares , non vltimi suorum Ordinum : per quæ certè multum in verbo & exemplo, aut in oratione subuenitur Ecclesiæ. Vnde in Collationibus Patrum Abbas Cassian. Nestorius de diuersitate Religionum lo- collat. 14. quens , dicit: Quidam eligentes ægrotantium curam , alij intercessionem quæ promiseris atq; oppressis impenditur exequentes , aut doctrinæ instantes , aut eleemosynas pauperibus largientes , inter magnos & summos viros pro affectu suo ac pietate vigerunt.

Secundò , reformatio fundationi noui monasterij æquipollit quodammodo. Monasterium enim duo dicit, locum scilicet, & congregationem canonicam personarum: quorum primum sine altero nihil laudis offert ; secundum verò sine primo laudabile Deo est , & vtilitati proximorum deseruit. Multi enim quasi hodie Religiosi, olim sine fixis locis Deo seruierunt deuotissimè. Pandunt hæc gesta Rechabitarum, qui in veteri Testamento, Religiosorum statum præfigurauerunt. Hi enim ex iussu Ionadab patris sui, nec vinum bibebant vñquam, nec domos ædificabant , sementem non serebant, nec vineas plantabant , peregrinabantur in L terrâ,

Ier. 35. 11.

terrâ, sed in tabernaculis habitabant usque ad aduentum Nabuchodonosor, quo primùm Ierusalem intrabant, ut habetur Ier.

2. Mach. 5.  
v. 19.

miæ 35. Patet idem apertiùs 2. Machab. 5. vbi ostenditur quòd propter bonorum inhabitacionem vel malorum, Deus loco miseretur vel irascitur. Verùm, inquit ibi Scriptura, *non propter locum, gentem, sed propter gentem, locum elegit: ideoque & ipse locus particeps factus est malorum populi, posteà autem fiet socius & bonorum.* Et qui derelictus est in irâ Dei omnipotentis, iterum in magni Domini reconciliatione, cum summâ gloriâ exaltabitur. Idemque docet S. Propheta Ieremias 7. cap. vbi cùm deformatus populus Ierusalem, in splendore templi materialis, sibi parcendum confideret, Dominus ait per Prophetam; *Nolite confidere in verbis mendacijs, dicentes: Templum Domini est, templū Domini est* (supple, quod saluabit nos ab irâ Dei) *quoniam si benixeritis vias vestras* (Glossa, opera) & *studia vestra* (Glossa, cogitationes) & plura ibi annumerat opera virtutum textus ipse, & concludit, *habitabo vobiscum in loco isto, in terrâ, quam iuraui dare patribus vestris.* Postea quædam addit ad propositum. Monasterium igitur nouum dicitur & nominatur, tamquam à digniori & principali parte,

non

Ier. 7.4.

non muri aut formæ , sed reformati fratres & monachi : quos ille qui reformat , haud dubium propriè dicitur, Deo cooperante, nouum construxisse monasterium . Patet etiam illud per exemplum, quod ponit Geraldus lib. De vitâ Fratrum Prædicatorum parte 5. Erat enim quidam cuiusdam monasterij monachorum , nomine Guido, primò Prior, qui idem monasterium antiquum suâ sanctitate & sollicitudine reformauerat : hic postmodum desiderio maioris perfectionis Ordinem Prædicatorum intravit , & in eo diu laudabiliter vixit. Circa cuius infirmitatem corporis ultimam , vidi quidam frater deuotus in somno , quod tamquam defunctus iaceret in medio chori , quem multitudo fratrum in albis circumstabat in luminis claritate mirabili . Videbat etiam claustrum quoddam pulcherrimum, multum benè ædificatum , dictumque est illi: Hic ædificauit hoc claustrum. Euigilans autem frater , & recolens , quod Guido , qui monasterium olim suum in temporalibus & spiritualibus reformauerat, esset ægrotus, cogitauit eum moriturum in breui: statimque vox facta est ad eum ; Verum est somnium : quia hic habitabit in Sion, & requiescat in Ierusalem. Et postmodū frater Guido defunctus est. Quâ in re perpenditur,

L 2 non

Geraldus  
lib. de vitâ  
Frat. Præd.  
parte 5.c.4.

non impar esse meritum de nouo construe-  
re monasterium , & lapsum reformare in

Cic. Para-  
dox. 6. moribus. Sensit idem Cicero, cùm Parad. 6.  
ait; Nulla possessio , nulla vis auri & argenti  
pluris, quām virtus æstimanda est. Et Poëta-  
rum alius, qui ait;

Ouid. I. 2.  
de Amor.

2. Mach. 8.  
& 9.

*Non minor est virtus quā querere parta tueri.*  
Quinimò multipliciter est laboriosius , &  
per consequens, ceteris paribus, plus merito-  
riū, lapsum in moribus reformare monaste-  
rium, quām nouum cōstruere. Quia hīc est  
maxima malorum resistentia, quæ suprà est  
ostensa cap. 4. & ostendetur inf. c. 12. illic ve-  
rò est animorū communiter magna concor-  
dia. Docet hoc hodie experientia : videmus  
etiam idem olim accidisse in reædificatio-  
ne templi per Neëmiam & Esdram , vbi  
oportebat vnā ædificare manu , & pugnam  
per gladium exspectare cum alterā , vt patet  
in eorum libris. Idem 2. Machab. 8. & 9.  
patet de Machabæo & suis , qui post multa  
bella templum Ierosolymis purgauit, aliud  
altare fecit, aras, quas gentiles fecerant ibi,  
destruxit; ignem nouū de ignitis excussum  
lapidibus, accedit ; & cum aliis holocau-  
stum obtulit. Longè certè amplius in Dei  
seruitio desudarunt tales, quām Salomon &  
sui , qui in summâ pace primum ædificaue-  
runt templum, &c.

CA-